

bænda
FERÐIR

LITRÍKAR EYJUR & STRENDUR KRÓATÍU



13. – 25. maí 2026

Fararstjórn: Hólmfríður Bjarnadóttir

Vor 9
Króatía | Ítalía

Ferðalýsing

Í þessari glæsilegu ferð um Króatíu upplifum við einstaka fegurð landsins. Hér fara saman undurfagar sandstrendur, kristaltær sjór og einstök náttúrufergurð. Ævintýrið byrjar í strandbænum **Vodice**, einhverjum vinsælasta baðstrandarbæ **Dalmatíustrandarinnar** og þar leikur við okkur suðrænn blær. Fegurðin er engu lík í gömlu borgunum, **Split** með **Diokletian höllinni** frægu sem er lifandi útisafn og komin á heimsminjaskrá UNESCO og í **Šibenik** sem er elsta borgin við Adríahafið. Farið verður í stórglæsilega siglingu að **Krka þjóðgarðinum** og frægu Krka fossunum sjö. Hvarvetna blasir við ólýsanleg fegurð þar sem fossar, stallar og árhylir mynda saman stórkostlegt náttúrusjónarspil. **Makarska** í Króatíu bíður eftir okkur en hún er einn af hápunktum **Dalmatíustrandarinnar** og býr yfir einu fallegasta strandsvæði **Adríahafsins**. Einnig verður siglt yfir til **Hvar** sem er fjórða stærsta eyja Króatíu og oft talin með fallegustu eyjum heims. Það er engin furða miðað við þá hápunkta sem eyjan býður upp á, kristaltæran sjó, fagurgrænt landslag og dásamlegar strendur. Upplifum lífið í litla litríka strandbænum **Baška Voda**. Það er ævintýri líkast að sigla yfir á **eyjuna Brač** þar sem náttúrufergurðin lætur engan ósnortinn. Bærinn **Bol** á eyjunni Brač er frægur fyrir sínar fallegu vénekrur og ströndina **Zlatni Rat** eða Gullna hornið. Í þessari glæsilegu ferð upplifum við skemmtilegt samspil töfrandi skoðunarferða, slökunar og rólegheita.

12 dagar | 11 nætur

5 nætur Vodice | 6 nætur Makarska



13. maí | Mæting upp á flugvöll um kl. 23:00

Mæting í Leifstöð u.þ.b. 2,5 klst. fyrir brottför en flogið verður frá Keflavík með SAS til Kaupmannahafnar með næturflugi.

14. maí | Flug til Split

Flogið kl. 01:25. Lending í Kaupmannahöfn kl 06:30 að staðartíma. Flogið verður áfram með SAS til Split í Króatíu kl. 09:10 og lendum þar kl. 11:25 að staðartíma. Ekið sem leið liggur til Vodice sem er einn af vinsælustu ferðamannastöðum Dalmatíustrandarinnar. Þar verður gist í fimm nætur á góðu hóteli við eina af baðströndum Vodice sem er umvafin pálma- og ólífutrjám. Við hótelið er útisundlaug og fallegur garður og þaðan er u.þ.b. 10 mín. gangur í miðbæinn.

15. maí | Skoðunarferð í Vodice & frjáls tími

Eftir góðan morgunverð og rólegheit förum við í ljúfa göngu inn í miðbæ Vodice þar sem við fræðumst um sögu, hefðir og menningu staðarins. Margt áhugavert er að sjá og skoða í þessum aldagamla bæ sem hefur verið valinn vinsælastur af ferðamönnum í Dalmatíu. Eftir þessa skemmtilegu göngu, verður



gefin frjáls tími fram að kvöldverði. Upplagt er að skoða sig betur um á eigin vegum og fá sér hressingu. Einnig er hægt að nota aðstöðuna við hótelið eða taka sundsprett í Adríahafi.

16. maí | Ljúfur dagur í Šibenik

Šibenik er elsta borgin við Adríahafið og er staðsett við mynni árinna Krka. Þangað er förinni heitið í dag. Við ökum sem leið liggur frá hótelinu að borginni sem er þekkt fyrir sögulegar minjar sínar. Þetta er einstaklega glæsileg borg sem má ekki fara framhjá neinum og hér verður farið í áhugaverða skoðunarferð. Við kynnumst sögu og menningu, rekumst á gömul virki, borgarmúra, borgarhlíð, fallega turna og dómkirkjuna, St. Jakov. Gengið verður um töfrandi miðaldabæinn en síðan verður gefinn tími til að fá sér hádegishressingu og njóta borgarinnar áður en ekið verður til baka. Frjáls tími í Vodice fram að kvöldverði.



17. maí | Glæsileg sigling að Krk fossum & Krk þjóðgarði



Í dag er glæsileg sigling í boði með fram Dalmatíuströndinni að sjálfum Krk þjóðgarðinum. Nafn hans er dregið af 73 km langri á en í henni eru hinir frægu Krk fossar, sjö að tölu. Þegar þangað er komið blasir við ólýsanlegt sjónarspil fossa, kletta og árhylja. Sigt verður í gegnum Sveti Ante skurðinn í átt að borginni Šibenik. Þar ber hæst virkið Sveti Nikola frá 16. öld en borgin öll er fögur á að líta. Þaðan siglum við upp Krk ána út á

Prokaljsko vatnið þar sem náttúrufegurðin umleikur okkur. Við förum gangandi inn í þjóðgarðinn, skoðum þar gamla myllu og upplifum stórkostlegt útsýni yfir fossanna sjö, en hæstur þeirra er Skradinski buk. Við sjáum virkjunina Jaruga og rekumst á minjagripaverslanir og veitingastaði. Hádegisverður er snæddur í bátnum og eftir góðan tíma í landi verður siglt til baka.

18. maí | Dekurdagur í Vodice

Nú er dagur í rólegheitum og gott að dekra við sjálfan sig í Vodice, gaman er að fara í göngu með ströndinni eða líta á inn á kaupmenn bæjarins. Einnig er upplagt að nota aðstöðu hótelsins eða taka sundsprett í Adríahafi.

19. maí | Split & Makarska

Nú kveðjum við Vodice eftir yndislega daga. Byrjað verður á að aka til Split, sem er hrífandi borg. Virðulegar byggingar og minjar frá tímum Rómverja prýða Split og hefur elsti hluti hennar verið á heimsminjaskrá UNESCO síðan árið 1979. Borgin er eins og lifandi safn. Við skoðum okkur um og heimsækjum Diokletian höllina, sem telst til eins merkilegasta



minnisvarða byggingarlistar frá tímum Rómverja en hún var byggð á metttíma á árunum frá 295 – 305 e. Kr. Eftir það verður gefinn tími til að fá sér hressingu og njóta þess að vera á þessum fagra stað. Nú verður ekið til Makarska í Króatíu sem er einn af hápunktum Dalmatíu. Öll ströndin eins og hún leggur sig er eitt fallegasta ferðamannasvæðið við Adríahafið. Það einkennist af áhrifamiklu útsýni yfir Biokovo fjöllin og töfrandi strandlandslagi en heillandi strendurnar og hinar mörgu földu vikur gera Makarska rivíeruna fullkomna fyrir sumarfrí. Hér verður gíst í sex nætur á góðu hóteli við ströndina, þar eru útisundlaugar, líkamsækt og heilsulind.

20. maí | Gönguferð & ljúfur dagur í Makarska

Nú er vel þegið að fá einn ljúfan dag í Makarska. Eftir morgunverð getum við farið í göngu saman inn í miðbæinn. Upplagt er að nota glæsilega aðstöðu hótelsins, ganga með fram ströndinni eða jafnvel fá sér sundsprett í Adríahafinu, enda eru strendur Króatíu rómaðar fyrir kristaltæran sjó.



21. maí | Sigling yfir á Hvar eyjuna

Glæsileg og óvenjuleg náttúruferð lætur ekki á sér standa á töfrandi Adríahafseyjuni Hvar en hún liggur í suðurhluta Króatíu, rétt við strönd Dalmatíu og er einn sólríkasti staður í Króatíu. Við siglum frá Drvenik á meginlandinu yfir til Sucuraj á austurhluta Hvar. Hvar er fjórða stærsta eyja Króatíu og er oft talin með fallegustu eyjum heims. Það er engin furða því eyjan býður upp á kristaltæran sjó, fagurgrænt landslag og dásamlegar strendur. Hún er einnig þekkt fyrir himneskan ilm frá lofnarblóms- og rósarínökkrum. Utan við Hvar er eyjaklasi sem samanstendur af um 19 litlum eyjum og grjótrifjum. Hann heitir Paklinski otoci sem útleiggst sem Helvítiseyjarnar en þrátt fyrir nafngiftina er þetta aðlaðandi staður og einn sá mest sótti frá Hvar. Við ætlum að upplifa sögu og líf eyjarskeggja á skemmtilegri ferð okkar um eyjuna. Við skoðum m.a. bæinn Hvar sem á sér langa sögu, meðal annars sem mikilvæg höfn á veldistíma Feneyinga. Þar var fyrsta opinbera leikhúsið stofnað í Evrópu. Stari Grad er einn elsti bær Evrópu, stofnaður af Grikkjum á 4. öld. Stari Grad er mjög líflegur bær og allt um kring eru gróðursælir vínakrar og ólífulundir. Hér gefst góður tími til að njóta þess að sýna sig og sjá aðra.



strendur. Hún er einnig þekkt fyrir himneskan ilm frá lofnarblóms- og rósarínökkrum. Utan við Hvar er eyjaklasi sem samanstendur af um 19 litlum eyjum og grjótrifjum. Hann heitir Paklinski otoci sem útleiggst sem Helvítiseyjarnar en þrátt fyrir nafngiftina er þetta aðlaðandi staður og einn sá mest sótti frá Hvar. Við ætlum að upplifa sögu og líf eyjarskeggja á skemmtilegri ferð okkar um eyjuna. Við skoðum m.a. bæinn Hvar sem á sér langa

sögu, meðal annars sem mikilvæg höfn á veldistíma Feneyinga. Þar var fyrsta opinbera leikhúsið stofnað í Evrópu. Stari Grad er einn elsti bær Evrópu, stofnaður af Grikkjum á 4. öld. Stari Grad er mjög líflegur bær og allt um kring eru gróðursælir vínakrar og ólífulundir. Hér gefst góður tími til að njóta þess að sýna sig og sjá aðra.

22. maí | Stuttur dagur í Baška Voda

Bærinn Baška Voda er einn af eftirsóttustu áfangastöðum Dalmatíu og Makarska rivíerunnar við rætur Biokovo fjallana. Pálmatré prýða fallegu strandgötuna og sérstaklega er bærinn líflegur í kringum smábátahöfnina, þar sem eru fjölmargar verslanir, sölubásar, veitingastaðir og kaffihús. Við förum í stutta göngu inn að strandgötunni en síðan er frjáls tími til að njóta og upplifa



líf bæjarbúa og fá sér síðan hádegishressingu áður en ekið verður til baka á hótelið.

23. maí | Ævintýri á Brač eyjuni



Það er ævintýri líkast að sigla yfir á eyjuna Brač sem er staðsett úti fyrir miðju Dalmatíustrandarinnar í Króatíu. Siglt verður frá Makarska yfir til Sumartin á austurhluta eyjunnar. Náttúruvegurinn á leið okkar um eyjuna lætur engan ósnortinn en hæsta fjall hennar er Sveti Vid í 778 m hæð. Við upplifum sögu og menningu eyjunnar þennan dag en atvinnuvegirnir eru ferðapjónusta, útgerð, vín og ólífuræktun. Bærinn Bol er

frægur fyrir sínar fallegu vínekrur og frægu ströndina Zlatni Rat eða Gullna hornið. Vinsælustu ferðamannabæirnir eru Bol, Splitzka, Postira, Pucisca, Povelja, Skrip og Supetar. Eyjan Brač er sérstaklega fræg fyrir hvítan kalkstein en Rómverjar til forna kunnu þegar að meta gæði hans. Kalksteinninn var notaður til að byggja hringleikahús, musteri og hallir. Steinninn var til dæmis notaður við byggingu Diocletianus hallar í Split, í helgum byggingum í Sibenik og Trogir og einnig við byggingu Hvíta hússins í Washington. Hér verður verður gefinn góður tími til að njóta. Léttur hádegisverður hjá vínbónda.

24. maí | Frjáls dagur í Makarska

Nú er upplagt að njóta dagsins við eitt fallegasta strandsvæði Adríahafsins og dekra við sjálfan sig og njóta náttúruvegurðar staðarins. Skemmtilegt er að fara gangandi eða með strætisvagni inn í Makarska. Einnig er hægt að taka því rólega og nota þessa glæsilegu aðstöðu hótelsins.



25. maí | Heimferð frá Split

Nú er komið að því að kveðja Króatíu eftir yndislega og viðburðaríka daga. Stefnan er tekin á Split og brottför þaðan með SAS kl. 12:00 og landing í Kaupmannahöfn kl. 14:15. Brottför þaðan til Keflavíkur með Icelandair kl. 17:15 og landing í Keflavík kl. 18:30 að staðartíma.

Fararstjóri getur fært dagskrárliði á milli daga eftir þörfum þegar komið er á staðinn.



Verð

379.900 kr. á mann í tvíbýli | 92.600 kr. aukagjald fyrir einbýli.

Innifalið

- ✓ Flug og flugvallaskattar.
- ✓ Gisting í 2ja manna herbergi með baði.
- ✓ Morgun- og kvöldverður allan tímann á hótelum.
- ✓ Sigling með hádegisverði og drykkjum að Krka fossum ásamt aðgangi í Þjóðgarðinn.
- ✓ Sigling yfir í eyjurnar Hvar og Brač.
- ✓ Léttur hádegisverður hjá vínbónda.
- ✓ Allar skoðunarferðir með rútu samkvæmt ferðalýsingu.
- ✓ Íslensk fararstjórn.




Ekki innifalið

- ✓ Aðgangseyrir inn í söfn, hallir og kirkjur.
- ✓ Hádegisverðir.
- ✓ Þjóf fé.
- ✓ Ferða- og forfallatryggingar.

Frekari upplýsingar

- ✓ Vert er að hafa í huga að þrátt fyrir að Bændaferðir séu alla jafna þægilegar rútuferðir er alltaf einhver ganga, t.d. í bæjarferðum. Margar evrópskar borgir eru bæði hæðóttar og ójafnar undir fæti og aðgengi að áfangastöðum þannig að leggja þarf rúttunni mislangt frá. Ef þú hefur einhverjar vangaveltur varðandi þetta vinsamlegast ekki hika við að hafa samband við skrifstofu Bændaferða.



Hótel

- ✓ 5 nætur - Vodice - Hotel Miramare
- ✓ 6 nætur - Makarska - Valamar Hotel Dalmacija